



SIARAN AKHBAR

PENCARIAN TIBA DI KEMUNCACKNYA – 50 PMKS TERBAIK TEMPATAN DIUMUM SEMASA MAJLIS ANUGERAH ENTERPRISE 50

KUALA LUMPUR, 27 Oktober 2024 – Pencarian 50 Perusahaan Mikro, Kecil dan Sederhana (PMKS) terbaik di Malaysia telah tiba di kemuncaknya selepas penyampaian anugerah Enterprise 50 (E50) kepada semua penerima malam tadi. Majlis anugerah penuh prestij yang bertujuan meraikan pencapaian cemerlang PMKS tempatan telah disempurnakan oleh YB Datuk Ewon Benedick, Menteri Pembangunan Usahawan dan Koperasi.

Sejak diperkenalkan pada tahun 1997, Program E50 telah mendapat pengiktirafan industri sejak dua (2) dekad yang lalu sebagai salah satu platform berprestij dan berkredibiliti dalam mempromosi dan menonjolkan PMKS terbaik di Malaysia. Program E50 pada tahun ini dengan tema 'Meraikan Semangat Keusahawanan Malaysia' dianjurkan bersama oleh SME Corp. Malaysia dan Deloitte Malaysia, dengan sokongan Kementerian Pembangunan Usahawan dan Koperasi (KUSKOP).

"Anugerah E50 telah berjaya melahirkan usahawan yang berupaya untuk mencapai satu tanda aras kualiti yang tinggi. Pengiktirafan yang diterima menerusi Anugerah ini membolehkan PMKS tempatan dikenalpasti sebagai yang berdaya saing, berdaya maju serta boleh dipercayai dalam menjalin rantaian sama ada dengan syarikat besar tempatan mahupun pelabur dari luar negara. Sehingga kini, SME Corp. Malaysia telah berjaya melahirkan seramai 763 penerima Anugerah ini. Daripada jumlah tersebut, 67 penerima telah berjaya tersenarai di pasaran modal serta berjaya meluaskan pasaran di dalam dan di luar negara," kata YB Datuk Ewon Benedick dalam ucapannya semasa Majlis Anugerah E50.

Sementara itu, mengulas mengenai kejayaan anugerah tahun ini, Encik Rizal bin Dato' Nainy, Ketua Pegawai Eksekutif SME Corp. Malaysia, berkata, "Kejayaan berterusan anugerah ini telah berjaya dicapai dengan komitmen yang jitu dan sokongan berterusan daripada rakan strategik kami iaitu penganjur bersama, Deloitte Malaysia serta rakan-rakan penaja tahun ini seperti YTL Corporation Berhad, RHB Bank Berhad, KLIATV

Media, RAM Rating Services Berhad, Media Prima Omnia, ASTRO Malaysia Holdings Berhad, Unifi Business, Malaysia SME, Malaysian Industrial Development Finance Berhad (MIDF) dan Credit Guarantee Corporation Malaysia Berhad (CGC)”.

Majlis Anugerah E50 malam tadi menyaksikan H&T Consulting Engineers Sdn. Bhd. diumumkan sebagai pemenang tempat pertama diikuti oleh Advantage Marine Services (Malaysia) Sdn. Bhd. di tempat kedua dan Global Psytech Sdn. Bhd. melengkapkan tiga tempat teratas. Selain itu, Avialite Sdn. Bhd., Ventura IOT Sdn. Bhd., OSD Consultants (M) Sdn. Bhd., Techzilla Global Solution Sdn. Bhd., Ligno Biotech Sdn. Bhd., Maxvue Vision Sdn. Bhd. dan Nasi Lemak Saleha Sdn. Bhd. merupakan antara 10 pemenang teratas yang lain. Manakala, Avialite Sdn. Bhd. dan CG Global Profastex Manufacturing Sdn. Bhd. masing-masing menerima Anugerah Usahawan Wanita Terbaik E50 dan Anugerah Usahawan Eksport Terbaik E50. Anugerah Amalan ESG Terbaik E50 yang baru diperkenalkan tahun ini pula telah dianugerahkan kepada R Yang Enterprise Sdn. Bhd.

Hadir sama semasa Majlis Anugerah E50 2024 adalah YB Dato' Sri Ramanan Ramakrishnan, Timbalan Menteri Pembangunan Usahawan dan Koperasi, YBhg. Dato' Sri Khairul Dzaimie bin Daud, Ketua Setiausaha KUSKOP, YBhg. Tan Sri Datuk Seri Panglima Bernard Giluk Dompok, Pengerusi SME Corp. Malaysia, Encik Rizal bin Dato' Nainy, Ketua Pegawai Eksekutif SME Corp. Malaysia dan Encik Yee Wing Peng, Ketua Pegawai Eksekutif Deloitte Malaysia.

- TAMAT -

Tentang SME Corp. Malaysia

SME Corp. Malaysia merupakan Agensi Penyelaras Pusat di bawah Kementerian Pembangunan Usahawan dan Koperasi (KUSKOP) yang berperanan sebagai pusat pengumpulan dan rujukan setempat bagi maklumat dan khidmat nasihat Perusahaan Mikro, Kecil dan Sederhana (PMKS). SME Corp. Malaysia juga menyelaras program pembangunan PMKS di Malaysia, menjalankan penilaian ekonomi dan pengakreditasi PMKS, serta melaksanakan program pembangunan perniagaan dan fasilitasi akses PMKS kepada pasaran dalam dan luar negara.

Bermula pada 2 Mei 1996, SME Corp. Malaysia dahulunya dikenali sebagai Perbadanan Pembangunan Industri Kecil dan Sederhana (SMIDEC), bermatlamat membangunkan Industri Kecil dan Sederhana (IKS) Malaysia yang berkeupayaan dan berdaya tahan agar mampu berdaya saing di pasaran global. Pada tahun 2007, SMIDEC telah diberi mandat oleh Majlis Pembangunan PKS Kebangsaan yang dipengerusikan oleh YAB Perdana Menteri untuk menggubal dasar dan strategi menyeluruh bagi PKS dan memacu program PKS merentasi Kementerian dan Agensi. Sehubungan itu, SMIDEC telah dijenamakan semula secara rasmi sebagai SME Corp. Malaysia pada 2 Oktober 2009.

PERBADANAN PERUSAHAAN KECIL DAN SEDERHANA MALAYSIA (SME CORP. MALAYSIA)

Aras 6, Blok B, Platinum Sentral
Jalan Stesen Sentral 2
Kuala Lumpur Sentral
50470 Kuala Lumpur
Tel : 603-9213 0077
Faks : 603-2775 6001
E-mel : info@smecorp.gov.my
Laman sesawang: www.smecorp.gov.my

Pengarah
Bahagian Komunikasi Korporat
(U.P. : Pn. Suraini Mohamad Sulaiman)
Tel : 03-2775 6290
E-mel : suraini@smecorp.gov.my